



Dirección Xeral de Educación, Formación Profesional e Innovación Educativa

Proba de bacharelato

Abril 2017

Exercicio	1º
Parte	1
Exame de	Lingua Galega e Literatura I e II.

1º apelido / 1 ^{er} apelido	
2º apelido / 2º apelido	
Nome / Nombre	
DNI	



1. Formato da proba

Formato

- A proba consta de sete preguntas.
- A cualificación de cada pregunta aparece a carón de cada unha delas.

Duración

- Este exercicio terá unha duración máxima de 90 minutos.

2. Corrección lingüística

- Na avaliación terase en conta a corrección lingüística no exame. Descontarase por erros até un máximo de dous puntos sobre a cualificación global, segundo a seguinte clasificación:
- Solucións que son alleas ao sistema lingüístico do galego, como tempos compostos, mala colocación do pronome persoal átono, etc. Descontarase 0,2 puntos por cada un.
- Solucións ortográficas contrarias á norma lingüística (*b/v*, *h*, *y*, etc.) e acentuación diacrítica. Descontarase 0,1 puntos por cada un.
- Solucións galegas alleas ao estándar vixente e acentuación non diacrítica. Descontarase 0,05 puntos por cada un.



3. Exercicio

Texto

BANDO

Prohíbese por orde da Alcaldía,
que medren porque si
as rosas do xardín municipal.
Dende agora as pombas teñen
5 que pedir licencia pra voar.
Prohíbese á lúa
andar **ceiba** de noite polo ceo.
A lúa é unha tola que anda espida
dando mal exemplo ás nenas **castas**
10 i ós fillos de familia.
Pagarán **trabucos** os poetas.
Prohíbese soñar de 10 a 11.
Prohíbese tamén derramar bágoas.
Pódese chorar tan só cando hai sequía
15 Pra que non fiquen baldeiros os pantanos.
Un só se pode emocionar
os Xoves e Domingos
cando toca
a Banda do Concello no quiosco.
20 Están fóra de Lei
as estrelas, a Primaveira
as froles i os paxaros.
Dáse este **bando** en tal e cual
pra que se cumpra
25 de orde do Alcalde.
Firmado e **rubricado**.

Manuel María. *Documentos personaes*. 1958.

1. Indique o significado que teñen no texto as palabras resaltadas en trazo groso: **ceiba**, **castas**, **trabucos**, **bando** e **rubricado**. Evite empregar unicamente sinónimos (valoración: 1 punto).

2. Resuma o contido do texto facendo unha interpretación da intencionalidade do mesmo (valoración: 1 punto).



3. Redacte unha mensaxe dirixida ao alcalde ou alcaldesa do seu concello onde expoña as carencias que se dan no mesmo e as medidas que propón para mellorar a súa situación. Extensión aproximada: 200-250 palabras (valoración: 3 puntos).
-
4. No texto hai palabras que non se corresponden coas propostas para a lingua estándar. Sinala cinco desas formas e escriba a estándar equivalente a cada unha delas (valoración: 1 punto).
-
5. Analice sintacticamente o seguinte fragmento do texto (*versos 4 e 5*): *Dende agora as pombas teñen que pedir licencia pra voar.* (valoración: 1 punto).
-
6. Escolla unha das seguintes opcións (A ou B) e desenvolva os dous temas que se lle propoñen (valoración: 3 puntos).
-
- A** – A lingua galega no Rexurdimento: características lingüísticas fundamentais. Contexto histórico e situación sociolingüística. Extensión aproximada: 200-250 palabras (valoración: 1 punto).
- A prosa do primeiro terzo do século XX: as Irmandades e o Grupo Nós (narrativa, ensaio e xornalismo). Extensión aproximada: 400 palabras (valoración: 2 puntos).
- B** – As funcións sociais da lingua. Conflito e diglosia. Estereotipos e prexuizos lingüísticos: a súa repercusión nos usos. Extensión aproximada: 200-250 palabras (valoración: 1 punto).
- A poesía medieval: a lírica profana e a lírica relixiosa. Extensión aproximada: 400 palabras (valoración: 2 puntos).